

四庫全書

集部

欽定四庫全書

集部

一山文集

目錄
卷二

詳校官監察御史臣劉湄

中書臣劉源溥覆勘

覆校官中書臣康儀鈞

校對官主簿臣汪日贊

謄錄舉人臣曹夢齡

欽定四庫全書

集部五

一山文集目錄

別集類四元

卷一

賦

五言古詩

七言古詩

長短句詩

卷二

五言律詩

七言律詩

五言長律詩

七言長律詩

五言絕句詩

六言絕句詩

七言絕句詩

卷三

序上

卷四

序下

卷五

記

卷六

傳

卷七

文

贊

辭

卷八

書

說

卷九

雜著

臣等謹按一山文集九卷元李繼本撰繼本
名延興以字行東安人占籍北平登至正丁
酉進士授太常奉禮兼翰林檢討考其代雄
縣知縣所作禱雨文內稱洪武二十七年則
其人明初尚存此集前有李敏序稱為其子
方曙方煦所輯而景泰中黎公頴序則曰其
孫容城教諭伸所編意其父子相繼為之朱
彛尊明詩綜蒐羅最備獨未錄是集殆以未

仕於明故與楊維禎一例不載顧嗣立元百家詩選內亦未收入則疑流傳頗少嗣立偶未見也其詩文俊偉疏達能不失前人規範在元末諸家中尚為錚錚獨異者長歌縱橫磊落尤為擅場中有學李白不成流為盧仝馬異格調者好高之弊固愈於卑靡不振者矣乾隆四十一年十二月恭校上

總纂官臣紀昀臣陸錫熊臣孫士毅

總校官臣陸費墀

金
石
口
月
之
言

目
録

--	--	--	--	--	--	--	--	--

一山文集原序

六經載道之文也諸子明道之文也載道之文如日麗乎天明道之文如水行乎地而出無窮其有功於國家其有功於吾道豈小補哉抑世之工於文章者固多能明夫道者蓋鮮矣漢上李先生繼本前翰林學士承旨李彥聞之子也稟中州清淑之氣竒才卓犖絕人早以能詩名動搢紳登至正丁酉科進士第未幾中原倣擾先生遂隱居不仕上考唐虞三代及兩漢之文下溯伊

洛諸儒之源流於勢利澹如若將終身焉而河朔學者
尊仰德業擔囊負笈不遠數百里來學先生性雖高邁
能隨其才識上下而胥教誨之故登高科躋膺仕屢有
其人是皆教育有素啟迪有方故也敏嘗從之遊且相
知之深每嘆其文本根以六經出入乎羣書上下乎諸
子之間故其文章渾厚雄深而人莫易窺其涯涘譬之
春江波濤一碧千里夏雲竒峰疊見層出又若新秋雨
霽玉宇無塵爽氣襲袂冬則如高山晴雪遠樹寒煙其

文之變化靡常大率類此其千變萬化固無常矣究其所以無非著明是理也其所以助國家裨治道也不既多乎今年春先生之子方曙方昫訪予於金臺客邸酒邊詢及先生之文皆覽涕而言曰先人平日撰述最多今之所存者迺兵燹散落之餘僅二百餘篇耳幸有以序之敏於先生之文固不敢妄議姑述其梗槩如此云門人李敏拜手謹書

一山文集者元翰林檢討東安李繼本先生所著也先

生乃學士承旨楚國公仕贍之子王宗嗣榜第三甲進士平生素以文鳴所作甚富於千百中僅存七八其孫容戒教諭伸編次其詩文一帙今巡按福建監察御史許公間乃以示穎命為校正穎既仍分類定卷訂其字之舛訛始終反覆莊誦三四則知先生之文浩乎困乎非淺陋凡近可得而窺其涯涘也嗚呼元氣流行乎天地之間其英華純粹鍾於人必為絕出之才苟不施於政事以揚其美則假為文辭以鳴國家之盛非立言學

古之君子其孰能之哉先生為中州大儒家學之傳淵源有自經史子集無不貫舉其詞義如河流滂沛不待疏決而無壅窒如庖丁解牛不待鼓刀自得肯綮之妙其作為文章法度森嚴無冗長之語溫潤者又如玉產於藍田粹然不見其瑕疵瑩潔者又如珠孕於合浦粲然不覩其淫媚也春容典重者又如金鐘大鏞之在東序動中律呂皦然不聞其亂襍之聲也先生之文若是何可泯沒而不傳於世哉然傳與不傳顯晦係之焉耳

當晦之時固有待於知者既得知者又寧有自秘不廣其傳於海內者哉此先生之文有待於御史公而後顯者其神交冥合於百年之後豈偶然哉御史公以名進士出按歷外服振肅紀綱繩糾之暇又得以用心於文事非崇重儒道之君子疇克爾歟君子樂道人之善成人之美穎故序之於左景泰癸酉二月吉日候官縣儒學教諭黎公穎書

欽定四庫全書

一山文集卷一

元 李繼本 撰

賦

喜雨賦

辛亥夏余寓繁峙彌月不雨五月二十有二日大雨作喜雨賦

五臺之北五原之陽太行削雲間之老翠潯水落天上之銀潢澗畝縱橫池館清涼雞犬靜其無諠花竹秀兮

有香卧雲子游而樂之遂解裝林下而下隣於暖泉之
傍鄉大夫喜其來而懼其達也相與劇荒榛締草堂開
蔬圃拭藥囊有琴在御有書滿床奚奴舂柳陰之白粲
隣父過牆頭之綠觴步明月而歌窈窕臨逝波而咏滄
浪跡絕於城市心息乎紛攘蓋將奉親以自樂而高卧
乎白雲之鄉孰期涉茲盛夏天閔膏雨憂心殷殷莫知
所處赤日如焚旱氣旁午牛喘欲頽龍卧不起粟田半
焦麥實成粃穹林偃兮槁木破金啼兮渴鼠地靈縮萬

井之源海若收百川之水罷千門之筦絃嘆五方之商旅乃有戴白之翁垂髻之子對寒潭之清冷羅金幣之香幣走龍祠以祈靈薦牲俎以陳禮旌幢綯兮九霄笙鼓匄兮百里娛以優伶雜以士女既醉既飽載笑載喜眇天澤之少施冀神心之暫啟俄而玄霾塞序汰寥密霧沉序階屺恍疑起潜蛟於岩幽而捲怒瀧於江渚也少馬明霞收流電止日迎霧以霽澄風吹雲而披靡氣將交而復離惠將布而復弛兆姓吞聲而無驩萬口箋

天而天死魏魏皇穹憫民之窮沛然下雨當茲五月之
將終方是雨之欲降也炎光墮地層陰蔽空萬螿封穴
百鳥號風日車騰騰以遙邁電幟閃閃以交攻山川晦
藹乾坤晦蒙雷震天門之鼓水涌馮夷之宮及是雨之
既作也噴灑空際飛流海東浪奔平臯之雲河走長橋
之虹瀉天瓢於八極散銀竹於千峯迴生意於萬象蘇
渴望於三農既而陰氣解駁晴景冲融雲浮浮其若練
山宛宛其猶龍鳥嬰嬰其相樂木翁翁其成叢平疇漲

萬頃之綠竒葩吐千林之紅客有登空山以遐睇鏘環
佩於雲中藉緜緜之茂草陰落落之長松暝藹逐遙空
之孤鶩天風度荒寺之遠鐘俯仰宇宙披豁心胷但見
火輪千丈西渡銀海涌出萬朵金芙蓉爾其霞飛林表
烟歛天末柳暗歸鴉簷喧乾鵲送西山之夕陽掛南樓
之朱箔槐色浮而廷宇清花陰轉而簾櫳薄細帙曠兮
芸軒酒旆揭兮山郭鳥捷耕白水之涯紅袖舞清風之
閣涼入兮練衣香潤兮錦橐於是華者實槁者活疾者

瘳憂者樂三農得是雨而澄明兩儀得是雨而開廓太和得是雨而流行沴氣得是雨而銷鑠彼崇谿之金美則美矣而惠不若是雨之溥垂棘之璧貴則貴矣而恩不若是雨之渥飛潛動植皆為之營舒耆耄幼稚皆為之欣躍信天下之至寶非一物獨得而霑濡誠宇內之奇珍非一人獨得以囊括天降斯雨豈人所作人被斯澤非天曷託彼有備百禮以禱於鬼神者孰若精一心以求於冥漠也卧雲子復怡然語諸鄉大夫曰始而不

雨吾意天實殄厥下民矣既而大旱吾意天實隕厥兆
民矣一雨如沫九土皆春天錫吾氓惠也孔殷吾將結
青山以為侶招白雲以為隣畊田讀書以終老於溥水
之濱迺歌曰雷雨滿盈兮蕩乎無垠氣化迴薄兮出乎
無門使天雨玉兮曷若野橋流水清無塵使天雨珠兮
曷若石田茆屋屯秋雲吾何以酬天地之大德兮惟有
丹心一寸橫蒼旻

詩

五言古詩

王氏別墅

旭日照遠水搖映青松林丹霞散餘彩翠烟鬱沉沉好
鳥弄晴晝嘉禾敷繁陰天虛風物幽高爽澄清襟解琴
一奏之細和山水音歎歌以相羊頰仰獲我心栖遲歲
年晚將歸故山岑

送李順文

維齊古青州其地山水秀嘗遭國大侵夾輔猶腋肘宅

土稱上腴財賦等澗右竒閫久乃隳完城失封守妖盜
起潢池跳梁哀林樾白晝燒通衢戎馬相踐蹂屋化飛
塵灰莽莽草木茂往年大姓家存者無八九兵興歲無
虛穡事廢南畝紛馳赤白囊烈勛徑何有上貽國之憂
軫念夜達晝簡師行天誅岌岌不敢後秦中出精甲長
道屈群醜言言七十城易若摧瓦缶大野熄烽烟多士
釋介冑兩河關梁通中原絕紛糾行者如螳旋居者如
輻湊濟南李徵君累年文獻舊躬耕食其力園田如錯

繡自經喪亂來避地東西走草食面削爪布絮體盈垢
先師有遺文一一付君手萬死逃一生收藏免脫漏吾
嘗觀其書篇章燦瓊玖讀之京華館霜月動虛牖尋將
刻棗梓上儷鍾鼎壽古稱賢弟子君乎實無負始予未
相識聞譽則已久昨枉過山齋衡扉竹外候吐飯欣接
之笑語忘辰酉論議悉超絕白日雲霧剖讀書不窺園
焚膏在研究巢由尚羊裘祿仕不掛口譬之天馬駒不
肯戀棧豆裹糧出都門歸期迫夏首春容耀桃李川色

潤栲杻太行入青雲千峰淡如帚黃河浪卷天風雨怒
蛟吼路經百戰場青苔白骨朽抵家拜邱墳狐狸上荒
阜俯仰成古今野哭雜山溜莫傷門祚衰晚節當大就
立言紹前修蚤夜獵文囿為國植英才民俗盡歸厚我
家漢水上昔別齒尚幼巖危十餘年骨肉知在否君歸
我何如涕泗滿衣袖執手河之干臨風一觴酒人生會
合難豈不懷親友相期保令名良時不可久

江皋圖

江晚月未上白烟滿芳洲雨止山氣佳衡扉在岩幽浦
迴沙漫漫松深露浮浮水田早稻熟稍欣獲有秋曠爽
來清風未夏炎敲收野人樂江居垂輪水西頭得魚送
隣家酒好仍見留童仆喜相隨浩歌送蜚鷗古時放達
人傲睨輕王侯焉能繫塵鞅憧憧爲身謀我家漢水上
田園雅綢繆穀苗含惠澤井洫交新流收獲賙族黨矢
心良不媮一自來京都星霜儵十周寄食仰俸粟曷免
生事憂藥物糜病身曠望增夷猶翩彼南飛鴻肯寄音

信否

阻雨題柏山驛壁

黯淡連朝雨山牕遮微涼絺衣含秋潤散髮此相羊白
鳥啼青林澗水亦浪浪隱人不可見思之雲路長
歌忽終晷西日下平岡

富庶驛

羸馬下危坡返照在西林長風度清壑澗水鏘玉琴好
鳥鳴幽谷晴雲超高岑解裘背村塢小憇青松陰嗟我

忝代祀凜凜懼不任
巍巍廣寧祠
負隔遼水潄龍光
遠被之紫氣鬱沉沉
天香動草木翔舞有胎禽
黍稷不疵厲雨露煦以深
靈怪亦率職田野絕呻吟
顧予蟣虱臣至喜動微忱
茲願倘可遂庶慰吾皇心

山中書事

圖史列坐隅深居愜幽情
漢上青山多開軒眼增明白
鳥烟際來清風竹間生
抱甕汲新井佳蔬有餘馨
嬾散時自適收書松下行
青苔沒屐跡涼露尚沾纓
入雲問

山寺忽聞疎磬聲

松下鼓琴圖

兩岸何蒼蒼長松在高岑
月出屋東頭微雲生夕陰
道人眉宇靜松間調素琴
商聲泛林莽流水為知音
我欲往聽之青山白雲深

七言古詩

仲冬月

斗標建子仲冬月
曉天雲掩殘月魄
滿城霜氣利如刀

敞褐蒙頭出不得旭日無光風伯怒冰合水泉厚地裂
憑高曠望目力超瀚海天山千丈雪波濤永閔蛟龍宮
原野深藏狐兔穴南山榛栗盡枯死出獵何人馳駟驥
俄頃風收氛翳開萬里雲天清帖帖青旗颭颭酒家樓
杖頭恰有錢三百何物小兒為侶儔座上能詩有仙客
月斜醉倒花樹下銅龍漏下五十刻

壁間雜畫

山中之人氣奕奕愛畫雲山與水石遠山近山恣一揮

頃刻生絹數十尺今代只數高尚書妙處不減米家筆
後之善畫者為誰青山白雲久蕭瑟忽驚座上烟藹生
漠漠平林翠如織平生夢想不可到乃在君家雪色壁
花發窮林破曉紅水合長天蕩晴碧蘆邊鴈影落迴汀
沙上漁簑曬斜日白髮蒼頭四老人棋罷松間坐爭席
筍皮笠子大如傘歸去不愁山雨濕爐經九轉鍊丹成
杖掛百錢酤酒喫眼看此景不可親况復憧憧事塵役
會須結屋山之阿更求好田水之曲野人生理日有餘

金少... 卷一
畊歸牛角懸書帙
茆簷夜火促寒機
古甸秋風收晚粟
安車若便下邱樊
為報先生不可出

福源精舍

京城六月日如火
風軒散髮執書坐
頓嫌城市多煩囂
欲買田廬何處可
素几茶甌吹碧香
有客敲扉偶相過
為言越中好山水
厥土膏腴不偏頗
魏氏之子文貞孫
玉樹臨風色嗟嗟
讀書澗水之東頭
蒐今撫古以自課
夏蓋湖光白湧雲
福祈山氣青浮座
三江帆上暮天長

八月潮平秋水大亭邊獼猿長如人月黑林昏盜山果
桃源人家疑此是洞口雲深晝無鎖百壺蒲醉江南春
擊缶高歌兒子和西蜀少陵恒苦吟南陽武侯尚高卧
文貞昔在貞觀中大節堂堂不終挫好將舊學佐朝堂
行見英流振頑懦索居何日賦歸來盡理遺書載經舸
我昔耕牧峴山陽門前水田足粃糯十年道阻不可歸
江上秋風茅屋破舊栽松柏定成林石墻竹梢添幾箇
向來耆舊安穩無每一思之淚交墮福源林壑倘見分

卜隣擬住山之左客歸好語仲遠君歲晚寄書煩報我

墨竹

近時海內稱畫竹息齋筆意何突兀蒼然寫此風露枝
墨花落紙秋萬斛恠處不減文湖洲展玩晴窓醒心目
竹邊巒石更坡陀便似着身游嶰谷青谿過雨山霧寒
白月出林烟水綠葛陂老龍頭角禿夜噓雲氣黑如沐
白晝慄慄炎猷収展書宜趁清陰讀我有竹林漢水西
兒時學種如種玉春翠森森抽細筍風碧娟娟散幽馥

有客清似王子猷拄杖猷門往來熟欲歸料理不可得
夢遶江村白沙曲安得大絹長丈餘請君為我作橫幅
寫我只作六逸儔掛在秋風江上之小樓

題畫

山翠浮空初過雨山麓晴雲散芳渚霧合長林生曉寒
人家更在林深處澗泉六月翻松根石洞千年隱仙侶
有誰共奕橘中來無人問路桃源去白烟遮盡青林花
野簌嫩香應可茹清幽不減山之陰只欠蘭亭列觴俎

誰乎寫此恠而奇
莽莽雲山入毫楮
細看猶有遺恨處
胡不着我山之墅
我生本是邱壑姿
誤落京塵幾寒暑
小時畊牧峴山陽
間從野人學種樹
門前漁浦啼竹禽
屋上鶴巢走松鼠
獨行採藥日莫歸
纔得芝朮一斗許
縱令服食不得仙
何若長年執禾黍
小村秋晚雞正肥
大甕春浮酒新煮
老翁醉舞兒子歌
笑語誼華忘賓主
此樂不見十許年
兵火煌煌照南楚
思歸見畫萬感生
悵望風颿橫浦叙
時清即好謝官歸
全家移向山中住

黃崖寺

黃崖秀絕不可畫
山際飛雲如走馬
東來無此好雲林
况逢野衲同清話
茶烟侵午客題詩
松籟吹涼僧結夏
人間塵土誠汚人
何時息影禪林下

寄江都縣丞求船如江東

候船十日留瓜渚
寂寂衡扉隔霜樹
江頭白浪大如山
空外青山橫一縷
出門顧影與誰儔
市上泥深過尺許
愁來買酒醉秋風
睡起開軒看山雨
棄家辛苦如金陵

夢繞山中讀書處
今茲胡爲乎久留
行止關天非不武
江都二縣才且賢
念我漂零留我住
高情好逐萬里風
穩送孤帆過江去

漁陽客邸

城外雲山濃
侶綺屋裡琴書靜
如水石爐添火試
松香
裊裊篆雲飛不起
天涯倦客此停驂
茶社烟銷猶隱几
奚奴呼覺日平西
一片秋聲響牕紙

柳居圖

先生夙華川山中好隱居門前十柳青扶疎種來不記
幾歲月生意藹藹充吾廬先生一生好心事放跡其下
樂有餘垂垂露葉覆軒戶燦燦雪絮吹琴書清風瀟瑟
來枕席流水汨瀟鳴階除或逢樵或對漁隔浦蕩輕航
呼童中小車丸藥聽黃鳥攀條穿白魚野老爭席樹陰
底涼影團團搖酒壺山中之人有天趣丹墨點染成畫
圖若非下惠當時宴休處定是柴桑處士之故墟自持
御史節朝夕賦歸與載歌柳居柳臨觴惜居諸既不能

歸田重培育又不能馳書問何如風瑟瑟動干旃露滑
滑沾佩裾千絲萬縷亂心曲渺渺遙思飛雲衢寄言子
孫愛惜之要使清陰大庇吾里閭

雪溪漁隱圖

窮陰塞玄冬萬里起墨色爰有子陵之徒住在溪上頭
渺渺孤舟釣風雪玄冥尸化樞天地爲冰壺霧散烟銷
野馬死溪山佳處好隱居繁雲舞空雲黯淡長風捲海
天糝糊壯哉滕六大有意爲我漁家掃出萬幅真障圖

真障圖世莫比一釣鮪與鱸再釣魴與鯉三釣鯨與鰲
生殺在釣餌失之何足羞得則良可喜今者得魚亟烹
之婦曰有酒無憂矣須臾爛醉卧蓬牕船頭雪深尺有
咫酒醒推篷一開眼茫茫萬境白於紙乃知江湖之上
多高人借有駟馬高車安肯起讐太公友嚴子何妨老
作烟波士湖之濱江之溢書可讀穀可藝君將忘筌予
避世

紫荊關

吾聞紫荊關是古來天險處勢逼恒高抗天柱棧路迥
出青雲端巖瀑喧虓噴灑長空對之可以湔塵慮往年
龍虎紛拏戰血飛煌煌萬騎關前駐只今平世天下清
千里桑麻旆旆連郊暨行旅不操寸兵甕瓦城不勞鍊鑄
王元不封函關泥孫子不書馬陵樹關南孤戍夜火稀
關北團茅小家住今我自西來飛霜滿衣絮林下有高
人怡然此相遇烟霞郵館午停驂風雪軒牕夜聯句家
山咫尺望不迷寫書先寄賓鴻去須臾日車飛上扶桑

紅一騎已出東山東

正己堂

登君正己堂聽我正己歌大質不返混沌死群邪乘正
焚駢羅乃知正人必正己已既不正如人何惟彼古君
子卓哉心靡他方正學嚴切磋敷正道貴漸磨吐正論
排私阿誰其似之陳懍長壯顏毅色橫星河秉心一以
正心源澄朗無驚波居家一以正家人唯諾春陽和蒞
官一以正官曹肅睦亡譴訶朱絃泠泠白日靜玉樹皎

皎清風多素絲羔裘祭如雪自公退食何委蛇乃知穹
壤間細大理則那乾道失其正陰陽寒暑皆錯訛地道
失其正山川草木皆札瘥人道失其正綱常典禮皆偏
頗史之直汲之戇推強植弱橫金戈明廷一日振風采
凜凜正氣永與金臺萬古同巍莪

湘中老人圖

湘山高湘水深樹森森湘猿吟日將莫翠霧丹霞滿方
渚碧草淒迷南浦春紫羅搖動東風雨龐眉野客來何

所袖拂輕颺過孤嶼婦苔坐讀黃老書展卷之間會此
千古之竒趣九嶷飛翠空中來路遠蒼江獨歸去雲漫
漫烟水寒日慘慘江雪殘浩蕩孤懷渺天末珮環飛上
青雲端雲白山青互吞吐蒼茫隔斷來時路古人已逝
等埃塵招魂不歸正愁予空留糟粕在人間地老天荒
竟何補何時掛飄直上海之涯爲看湘中老人讀書處

瞻雲圖

朝出看燕山雲莫歸行燕山道道傍雲氣光動班爛衣

千里飛來白如埽長天愁迥陰冥迷虛室宵清神皓縞
太行一髮半落天之南翠彩浮空散文藻縉山更在天
南之南海樹邊白髮高堂歲晏驚寒早三年書斷安穩
無每一思之心慄慄風迴雲杪思飄揚月墮雲西夢顛
倒白雲半幅細入天機中寫出狄公心事炯炯隨雲照
穹昊雲無心人有情物易化情難老朝看雲暮看雲縉
山佳處安得乘雲忽飛到雲中人拂黃巾山中雲護丹
灶從龍奮迅直上青天飛變化無方契元造天下蒼生

正須霖雨之慎勿栖岩扉閱鴻澤負明時

松雪翁畫馬

西海之西天地翁合敷靈氛天產天骨超崑崙月窟而
東而北幾萬里是馬乃能躡星辰踰渤海掃空冀北凡
馬群曹將軍是開元以來善畫者蚤以絕藝動紫宸不
問驪黃與牝牡筆力到處春無垠往時嘗見一二本世
之畫者徒紛紛吳興學士昔在詞林館畫人畫馬咄咄
能逼真玉堂朝日射碧瓦瑣窓晴雪吹青春文章之暇

奉詔寫龍種水綃萬幅清無塵此圖神采更飄逸妙處
不減曹將軍飛雲滿空散靈雨五花凌亂曉濕蒼龍文
人言此是明皇御愛者天香滃鬱飄滿身瑤池渴飲雪
澆瀼霜蹄迥踏雲嶙峋黃髮鬚圍官似是太僕張景順自
幼調馬馬亦馴想當牽來赤墀下皎如飛龍下天門山
齋看畫白晝靜丹粉如沐清心魂龍媒一逝九霄隔龍
沙泱泱霜風昏縱今有馬無善畫誰與寫之傳世人吳
興自有古作者高風遠韻不可聞九原安得起公死請

公為我放筆電掃層空雲陳君愛畫不弱南金與西玉
百迴展玩當爐熏南金西玉可力致嗟此神物曼然獨
立而無隣嗚呼神物為物固有神直恐變化為龍飛上
清都紫微之帝閭

呈縣公并東判簿長司

北方守令之才幾人得侶賢侯者炳烈聲光動朝野金
莖承露曉蒼蒼玉樹臨風秋洒洒惟茂恭與遂霸侯也
直欲躡足青雲攀逸駕三年理劇割牛刀生齒林林霑

惠化風迴芹沼汎鳧鷺水滿稻田抽穰楛花村社鼓林
邊搗茅店酒旗烟外掛啁啾絲管勸農歸杏花滿街紅
撲馬五絃清響奏虞歌三峽崩濤翻鄴瓦去年上計如
帝京袖拂天香五雲下竹馬重迎郭伋來和風歡謠騰
發舍騰發舍揚休聲談鋒磊落肝膽傾往時辭家上策
登轅門奇氣萬丈橫秋冥六韜三畧常在手擐甲上馬
忼慨踐虜庭黃金散衆虎旅集紅旗渡海鯨濤平只今
太平不用武狴鼯不鳴雞犬鳴况侯豈弟愛百姓東郊

西社歌豐登邑有倅弼厥能幕有長贊厥成如此一時
賢令佐不若同氣好弟兄三花歲徂月窟靜八窓窈窕
水壺清嗟宵人藉培育飢饉長軀但食粟孔融豈計酒
長空鄭老惟憂飯不足負米歸來氣慘悽風雪連天遮
草屋短衣破帽入新年抱子簷前曝朝旭喜隨父老拜
旌軒生意昭蘇迴稿木山之隈水之曲石徑荒寒古苔
綠拾薪莫逐嶺雲還脫巾時向松潭沐侶魚蝦友麋鹿
牛角掛書田裡讀漢家史記滿床頭卓魯龔黃在心目

直須為侯濡豪沐繫紀循良留待班馬諸公親纂錄

琴堂曲為永清劉尹作

琴堂清文窈窕窈窕雲霞明七絃彈出太古意光風遶郭
流春聲滿天地泛羽浮宮蕩和氣惟侯之政庶而仁敷
邕惠慈漸暴厲惟公之心公而平槩發伏姦施愷悌視
民如傷民德之生意昭融一時寫作琴中趣堂上琴音
沉沉玄猿抱月啼空林琴上絃聲淵淵老蛟卧雨吟寒
泉有時拂軫青松邊白雲飛來清可憐有時度曲香案

側水沉鬱鬱飄晴烟此琴不是相如之所蓄此琴不是
伯牙之所傳乃是當時子賤古遺物置之茲堂今幾年
縣庭無事簡書靜抱琴危坐心悠然古風寥濶不可續
侯也直須為奏周詩三百篇世雖久乏知音者時復鼓
之聊以陶吾天馳聲海內永不朽七閩山水萬古增光
妍我欲學琴恨無緣我欲買琴苦無錢山空月白琴響
絕把柸長嘯天風前

送李希文典教東船里

送君行君行直到東船里風物幽迴宛似江之南土壤
肥夷可藝稷黍茫茫墟市隔林皋寂寂衡茅蔭溪水天
空鷗鳥閒地古風俗媿鏗訇教鐸振文聲子衿揖讓春
風裡我欲乘桴直上海之涯魚龍掀舞烟濤起老翁曬
網立船頭兒子叉魚傍船尾灘聲奏曲響琴窓水風吹
香墜書几先生宴坐清可人陶寫神情舒四體攜壺觴
臨沼沚或開襟或洗耳或賦長歌詠古今或掉扁舟弄
清泚世間萬事豈足掛心旌為問此樂平生還有幾我

欲誅茆結屋與君隣我欲浮家泛宅學丹子雲水之間
栖遲之樂可以忘歲年不知老之將至矣

石鼓歌

乾坤清淑之氣蜿蟺扶輿亘西極化作岐山之陽石鼓
十六丁二酉剝斷崑崙之瑤峯縹緲雲根墮穹碧層崖
秋碎方祗愁大星宵墮圓靈泣中虛不露䟽鑿文太素
猶涵混沌質偉哉周家宣王中興時戈鋌彗雲九縣一
明堂受朝群后來天威不違顏咫尺岐陽之狩載陽國

之靈王氣騰霄何赫奕八鸞聲曼秋風高九旗光動朝
暎赤歌車攻詠吉日張皇維昭帝績泰山盤石之祚炳
烈千萬春勒之貞珉古無匹其形如鼓不可扣之鳴其
體渾淪絕侶大造無痕跡其字適逸宛是篆與科其文
古雅髣髴周之什吉甫歌史籀筆制作森嚴照岐邑年
多物化理則然金字半滅無人識老蛟摧裂野火焚古
墨淋漓苔雨蝕青城學士昔在大德初見之林下久歎
息入朝亟爲丞相言如此至寶何可以棄擲大車彭彭

輓致來孔庭天地風雲亦動色我嘗愛此十鼓文字奇
撫玩摩挲不知日之夕往往光陰數十春春風吹愁髮
生白近時再過石鼓旁階草蒙茸沒雙屐細看字畫轉
么麼徒倚迴廊淚沾臆東安鄧尹彈琴青桂林議論文
章脫塵俗平生好古如古人直欲蒐抉周秦之故實里
中更有朱先生白首著書窮日力寄書遠訪石鼓文細
字滿箋珠的灑書中宛宛見高情識者見之爭愛惜乃
知先生好古不減吾鄧侯吾徒委瑣豈復如先生喜新

厭舊猶戲劇吾友秦郵李希文新來小篆亦傑出夷門
梁君子宜苦學張顛之草書電掃千軍爛如拭我生雅
恨不能書每見名家如有失朱先生古遺直甚欲相從
不可得山中茅屋書滿床何時一到虛軒分半席直湏
和我石鼓歌戰退蘇韓入堅壁嗚呼古之作者往往苦
用心豈惟杜預雅有春秋癖今人無復見古人徒勞紙
上賞遺墨魚目滔滔久混珎後來此鼓誰收拾燕之石
等圭璧荆之璞同瓦礫古風不返天茫茫何如爛醉林

鼻卧苔石

雙節詩

明山清鄞水碧山水之間好田宅宅前華表高出青雲
端金字雙題燦星日秋窓隔樹霜燈明白髮婦姑宵紡
績水寒績斷心緒勞門掩淒風抱兒泣風吹兒聲轉飄
揚愁雲壓樹墳草黃夫君骨已化青天杳茫茫炳烈干
古心迥隨白日懸穹蒼弓冶傳家好孫子丹桂滿林吹
古香異哉一門兩共姜至今大江之南奕奕有炯光我

嘗考古節婦為傳記積雨林扉散秋氣雲開日出海霞
飛萬丈朝暉射天地無情滄海枯惟茲節婦之節古難
敝我生也晚無復見古人唐虞世遠虛獻歎安得鞭豐
露叫閭闔箋皇穹盡令薄海內外迴淳風

雙鶴吟

若有太古之仙迺在瀛洲之上方壺之間門前雙鶴不
知幾歲月雪飛風舞迥隔青雲端天空月白雙影靜玉
笙合奏瑤臺寒石壇暝踏松子落林蹊晴咏苔花殘仙

翁手執相鶴經一卷逸思汎若孤雲間興來引雙鶴笑
入三茅山三茅山中瑤草碧九皋雨散春烟濕鶴飛亂
點層峰青彩鳳蒼鸞往往與相識價重不減雙南金質
瑩不弱雙白壁不慕懿公之華軒不逐王喬之飛舄不
巢西湖處士之孤山不憇黃州謫仙之赤壁棲紫霞護
丹室六翩稜層曝朝日友茅君呼木客盡日聽琴香案
側山中之人問訊時相過蟬聯飛遶羊公石鶴之逝風
翩翩遙空雲落秋無邊鶴之返山娟娟紅塵不到芸窓

前恍如元方季方在穎谷倏如陸機陸雲來洛川燦如
同穎之禾敷秀唐叔壤宛如王雱之鳥著美周南篇薛
公之鶴何其影趙抃之鶴何其偏異哉兩仙骨不偏不
夥全其天問鶴往時託巢在何許邈在遼海之東華表
柱問仙豢鶴到今凡幾春前五百年嘗與令威一相遇
鶴飛來向何所不渡海之涯不涉江之浦直欲飛近天
上神仙之官府天門寥濶不可通誰到十二瓊樓最高
處莫延佇鄧林之廣豈無一枝之可栖何為乎涉雲霄

冒風雨春去秋來恣軒翥仙亦竟不留鶴亦更不駐山
耶鶴耶笑我躡躡於風塵相隨直上青雲去

蟬鳴嘒

蟬鳴嘒老樹秋風暑初退閨門忽起思婦悲歌枕聽之
墮雙淚去年夫征淮水頭天明上馬操戈矛今年夫戍
玉關塞日夜寤危誰足賴不如爛爛雲錦機織成迴文
製君衣不如湛湛長江水流恨隨君千萬里白首會面
知無難願君竭力軍旅間太平無事倚帝力遲君歸來

慰家室鑿鑿之石如妾心空山絕磗秋欽蒼青山之松
如妾操大雪嚴風不凋耗石或可轉松可摧妾心萬死
不可回

暇日與客出忽大雨倉皇無所避頃之聞市中
小屋呼曰晴褰裳涉水就之主人欣然相留俄
而陰雲四豁紅日青霞閃映可愛但流潦如奔
泉平地成大河時小兒六七浮木爲舟作水嬉
因以木閣水際度坂塗踰數十舉武憇揚秘書

曼卿先生家將歸雨復大作又憇僧舍至晚不

可留也乃歸明日賦其事與客一笑

時年二十四

黑雲如山白雨傾神怪出沒雷電驚走避人家屋簷底
平地成河斷人行此時惟我與一客只恐水深歸不得
疾風吹樹如捲濤城上翻飛墮楓葉劃然開霽天色寒
五鳳樓閣青雲端河橋酒旗曠斜日恨無千錢此盤桓
褰裳涉水泥到滕倉皇不復辨南北市人如螳歡相呼
古濠積潦深三尺秘書宅前芳樹林翠陰滿地何蕭森

主人愛客欲少住，鮮飈入閣開煩襟。出門復憩秋水寺，
四顧徬徨雨如霏。天昏地黑蛟龍愁，我行如渡銀河去。
安得渥洼龍馬駒，乘之白日朝帝居。只今汨沒在泥塗，
非癡非狂亦非愚人。生天地亦寄耳，晦明變化知何
如。

度居庸

歲暮矣，風淒淒。車中行客胡不歸。一車南，一車北。南來
北去，何時息。車行欲近關，上頭鞭牛不前吁。可愁須臾

推挽在平地車中兒女歡且謳短褐蕭蕭風雪裏山徑
荒寒多虎兇呼兒取火供晚炊瓦釜黍米和沙煮黃昏
露宿官道邊茅店雞鳴載行李殷勤起謝車中人萬嶺
千山多苦辛巖風吹霜皮肉死一身只有筋骨存安得
筋骨化為山下土填却千山萬山無險阻盡使行人免
愁苦

贈周掾

揚震辭金廡以公釋之審讞仁以忠誰其侶之君卿氏

直與兩賢齊高風周公善政久頽敝秦漢而來由吏治
煽威作福誰禦之如以蛟龍視螻螻君昔試吏西曹時
以廉律身人是之豈不知蕭相曹侯稱畫一當時皆自
刀筆出

上總戎

大將軍出沙漠萬里河山盡開拓馬嘶紫塞霜草寒鷹
飛白海烟濤濶旗拂戎帳空箭穿魯縞薄虜其名王歸
四面凱聲作功成獻俘蒲萄宮天青日白開鴻濛遂使

樓煩林胡之遐壤化為冠帶衍為提封明年草青春色
濃征人解甲醉卧林花紅我恨不識趙充國又恨不識
塞上翁拔劍起舞歌春風

大雨喜晴奉贈巖樞賢尹蘭莊廣文鳳臺之行

昨日雨方休今者復大作蜚廉鼓索震霄衢淵客泣珠
送谿閣白海飛流散塞空銀河倒浸青天濶三關遙九
源合舟迴誰復辨渚涯郊行何處尋墟落稻葉青起風
幡幡野田綠滿水活活吟卧聽琮瑤樵歸迷畧約蝸廬

一片林烟昏雞塞千管羶帳薄雄縣城中百數家東街
西街平地成溪壑瞻飛龍聽鳴鶴吾獨胡為久困泥塗
中何不乘風破浪從此以揮霍破室燈昏仰見天一夕
九徙不得眠大兒愁衾裂小兒嫌履穿芸窗外內瀉潢
潦葵砌高下奔清泉虛牖風顛亂舞壞墻泥墮高帽偏
衰翁避濕龜頂縮穉子擎蓋鳶肩旋滂沱急靈鳥鼠穴
紛霏亂點虫魚篇劃然快覩好晴景金臺千仞青雲端
埽碁局揮酒錢酒邊舞影何踟躕何踟躕欲掀舉花縣

芹堂捧幣函香覲鶴籙丹心炯炯照皇穹縹緲祥烟飄
鷺渚看君增秩賜金歸盡把鴻恩化作溥天之膏雨

一山文集卷一

欽定四庫全書

一山文集卷二

元 李繼本 撰

詩

五言律

龐村

野曠烟花白林深露草香
雷聲送雨過山氣入雲長
遠水鷗邊淨薰風馬上涼
長亭無限好慙此解行裝

秋日山行

林路鬱迢遙村行野興饒
兩山青入屋一水白平橋
埽石收松子畊雲種藥苗
仙人王質輩應向此中樵

贈杭州包知事與直

大府包從事才華早見收
孤忠橫北斗清節照南州
白雨江帆暮青楓水國秋
向來憂世意惟有淚長流

旦起

曙色動高城鐘殘柅馬鳴
千門春放暖十日雪開晴
勳業非吾事詩書寄此生
青衫王祭老猶欲竅河清

游長春宮

飛觀連霄漢山門一徑幽青林藏雨暗白水抱城流未
脫塵中趣虛傳物外游回驂西日晚清磬起層樓

出獵圖

大漠陰風起煌煌獵騎來關弓霜月滿吹角塞雲開射
虎慚無術呼鷹謾有臺蕭條空見畫粉墨亂塵埃

早過五門

霜白掖樓晚寒鴉城上啼微雲閭闔外斜月建章西憂

國心常切成功計轉迷十年京闕下貧病尚羈栖

天界寺

諸山遠天界千古鎮皇維螭護階頭石龍蟠殿角碑慈
雲籠寶樹佛日轉瑤墀六合資冥福春風萬物熙

養魚池

涵空一鏡碧日晚出織鱗挾雨隔蒼海衝波碎綠蘋
南誇丙穴周什薦嘉賓白首清江曲誰憐獨釣人

鳴皋亭

晴臯一片雪縹緲落秋雲縞袂風前舞瑤笙月下聞聽
琴多歲月衝錫出塵氛寄與乘軒者芝田好共分

與薛十二過壽寧精舍得歌字

鳴雨過青嶂飛烟繞碧蘿庭空留鶴跡江靜聽漁歌長
夏迎人少高年禮佛多飄飄飛錫處千里又相過

夕次同川

鴉噪晚涼天新晴景豁然柳橋通水市荷港入湖田鷺
影沙頭月人烟渡口船相過又相別書到是明年

贈境上人

山館夜瀟瀟天寒酒力消
鴈行衝雪斷燈影隔江遙
渡口人爭岸船頭客待潮
倦途誰慰藉風景不相饒

贈邊將

猶記登壇日長驅破敵圍
兵隨營火出血灑陣雲飛
殺氣吹戎帳腥風拂鎧衣
肘懸金印大功壓萬人歸

舟次松陵

客路幾時盡愁懷到處同
斷帆衝暮雨短笛咽秋風
水

碧沙雲白山青柿葉紅莫言詩費日光動錦囊中

望海虞山得蹤字

青山秋萬壘詩寫晚愁濃瀑斷峰頭路雲藏谷口松藥
爐丹氣上經藏碧苔封誰似仙翁靜階前埽鶴蹤

水閣夜坐

松風遽清響竹露滴涼秋天水靜涵月照見浮生浮魚
跳連水影虫落打琴聲開軒埽明月吹簫送殘更

初夏雨坐

白雨傳疎點紅亭納快風荷香清浦近竹暗細泉通問
道隨關尹橫經媿馬融衰遲竟何補江海任飄蓬

和睦公九日韻

秋聲橫笛外曉色畫屏中黃菊雙頭小青山四面同舡
衝官渡雨木落市橋風十日燕臺路途窮興不窮

窓燈

窓燈搖影細城柝報更遙白髮愁偏重丹心老未銷雲
陰籠月薄秋氣挾霜驕歸思如江水滔滔逐逝潮

晚出

短策扶衰病輕衫受晚風
烟花連浦白霜葉墜林紅
骨肉兵戈裡乾坤涕淚中
飄飄江海上回首媿漁翁

抱病

力疾秋風裡扶筇步晚晴
霜林未果落江浦白雲明
喪亂逢多難飄零媿此生
故人分散盡懷抱向誰傾

春日郊行

宿雨霑花潤春風步履輕
石門雲氣白野寺竹陰清
魚

鳥親人喜山林照眼明乾坤任疎散杯酒度餘生

又

岸柳含煙碧山桃噴火紅長松落甡雪薄袂受暄風
伐木隨樵子攜錢覓酒翁猶勝狂阮籍白首哭途窮

讀賈誼王粲傳

白髮悲王粲青春羨賈生萬言詞慷慨一賦氣崢嶸
屈心猶壯依劉恨未平懷賢坐長夜斜月半窓明

和友人韻

亂臣傾廟社禍本久胎胎萬里金城壞千原鐵騎來人
心今日異天意幾時迴痛哭英雄老淒涼臥草萊

又

恩幸千年遇艱危一旦遭人材淹草莽勲業付兒曹死
戰酬明主兼金買佩刀歸來衣甲破蟣虱費爬搔

又

月黑妖星現雲紅戰火然魯連終蹈海樂毅又辭燕痛
哭懷明主匡時倚大賢那堪頻眺望白鴈落霜天

又

秋氣滿龍漠君王忽遠巡
旌旗照天地哀痛著絲綸
雨雪迷青野風雲動紫宸
汾陽忠烈大一戰熄兵塵

宿嘉秘寺

寂寂青山寺千峰翠欲熏
禪林黃葉落僧飯白猿分
松磴吹晴雪扉鎖莫雲悟
窮清淨理莫遣世人聞

山中值雨

風雨連天黑關河入望遙
青山懷故國白首戀中朝
小

市河魚上殘城野火燒寄身岩壑裏生意日蕭條

待渡

待渡渾河晚懷人水國遙魚龍吹雪浪風雨送春潮百鍊丹心在千莖白髮凋茫茫今古意回首媿漁樵

雨和仲禮

朱夏多淫雨新涼報早秋疾雷翻電過遙海蹴天浮無計回乾造端居愧俗流滔滔天下溺誰軫萬人憂

詠懷

丙申歲作

白首殊方客奔馳戎馬間時危憂母老歲晚寄書還凍
雪連荒野寒雲出亂山蒼茫西日外痛哭倚柴關

又

不見嚴親面光陰忽四年文章多散失勲業竟流傳故
塚燕城曲荒祠瘴海邊寒窓讀詩處新廢蓼莪篇

又

辛苦憐吾弟荒山久避兵素書連月斷白髮滿頭生雪
鬢窓燈影風涵戍鼓聲沉思憂百結寂寞度殘更

又

妻子何時見淒涼病轉侵
虛傳千里信已負百年心
短帽飛霜滿空階落葉深
白頭吟正苦回首淚沾襟

山寺阻雨

急雨過山寺鳴蟬送夕陽
空階看雲起虛閣受風涼
老柏吹香細垂蘿引蔓長
林泉空白首把酒惜年光

七言律

秋日襟興

飛樓上倚泐寥天野色荒涼萬井烟落日荷花白舫外
西風桂樹畫闌邊明妃夜泣琵琶月宛馬秋肥首宿田
千古河山幾爭戰一登高處一潛然

寒食

歲歲京華度禁烟房陵兄弟虎狼前莫傷佳節愁邊遇
且放深栝花下傳短技自慙前席召多貧猶得故人憐
王師早晚清畿甸穩種城南數畝田

清明游城南

立馬高原黃霧消近城墟落亦蕭條人家上塚灑麥飯
野老鋤雲種藥苗紅日金臺晴靄靄白鷗春水暮迢迢
移尊淨埽莓苔坐多謝青山憫寂寥

寄省掾趙晞顏

不見先生十日餘臨流每欲寄雙魚馬卿賦好君王識
阮藉身閑禮法疎落花啼鳥紛紛亂澗戶山窓寂寂虛
春興定應題滿帙病中何得慰躊躇

自述

金史卷之三十三
卷二
八口淒涼生事微中原羽騎日駢駢天寒歲晚歸難定
水遠山長信轉稀青眼故人頻送米白頭慈母尚縫衣
蕭蕭漠渚蒹葭老好向兒時舊釣磯

送別

北風吹袂晚臨岐日短天寒獨去時遠海漲空雲決滸
亂山連塞雪參差惶惶兵火家千里寂寂生涯酒一卮
傳語親朋好調護路難莫怪寄書遲

山居

小齋清坐校韋編水碧山青照几筵窈窕虛窓雲入屋
蒼茫平野草浮烟階前村嫗舂黃米門外溪童賣白鮮
欲賦蓀芝招隱士鶴書先寄隴雲邊

雪

地白雲黃雪亂飛虛簷風急撲征衣子猷入夜乘舟去
蘇武殘年持節歸兵後殊方為客苦病來親友到門稀
何緣得侶兒童歲貂帽狐裘學打圍

又

開門飛雪疊階除
宛宛溪山畫不如
野火遠明喧獵騎
茶烟半濕認僧居
雲深空谷難尋路
風急虛窓亂打書
坐待春陽迴宇宙
無邊生意滿茅廬

河上

宛宛寒山入暮烟
河流直到寺門前
店頭買酒風吹幔
浦口叉魚雪滿船
翻覆世情堪大笑
寬閒野屋得清眠
虛堂月色明如晝
獨坐清彈五十絃

和梅知府寄來詩韻

坐想親朋摧肺肝寄來尺素百迴看
虛窓琴冊塵埃亂
疋馬關山雨雪寒避地十年頭欲白
去家千里淚難乾
酒壺爛熳堪謀醉強撥羈愁一盡歡

又

東裝曉發雪滿路雲起荒山萬里陰
菽水久違慈母養
緜袍還見故人心哭憐阮籍窮途晚
賦寫江淹別恨深
春滿故園芳草綠東風門外聽車音

又

離筵酒盡暮烟微
兒子牽衣泣草扉
萬里風塵諸弟散
十年江海故人稀
少陵苦恨無家別
季子羞誇衣錦歸
謾憶山窓嘯吟處
緗簾花影疊朝暉

灤河

兩澗松聲築
哀水邊亭子酒壺開
千年海鶴遼東去
萬里灤江天際來
沙路連城白似雪山
光過雨碧於苔
夷齊餓死脩名在
凜凜清風被草萊

歲晏紀懷

黃雲壓地雪浮浮，虛館開觴散客愁。
白髮驚心催短景，蒼江入夢問扁舟。
時危每羨檀公策，志大空懷杞國憂。
翻憶少年疎放處，春風歌舞醉紅樓。

舟次龍江

孤航小駐水西頭，汎汎輕鷗對客浮。
海氣漲雲天暫晚，江風吹雨石城秋。
已將萬事歸詩帙，苦乏千金醉酒樓。
欲向金川門裡住，那堪回首戀滄洲。

贈時中

金瓶梅詞話卷二
卷二
白首相逢寥落中失聲一哭暮途窮霏霏江草愁邊綠
寂寂宮花夢裏紅海徼歸心懸夜月柴扉病骨臥秋風
人情任逐東流水爛熳金樽莫放空

春日紀懷

平湖水碧動晴天獨樹花明簇暖烟小白肥鮮堪饌玉
嫩黃新韭不論錢田園蕪沒從兒嬾杯酒淋漓任客顛
四海奔馳壓塵俗百年蕭散愛林泉

和梅尹寄來韻

栗烈晨風坐轉嚴日高晴鵲忽喧簷階前雪洗苔痕出
門外春催柳色添姓字已歸迂叟傳豐穰屢問大人占
村翁野老時相過羨殺香醪如蜜甜

又

明晨鞍馬去難尋親友留連惜寸陰北極星辰連遠塞
南溟風雪動愁心形容憔悴悲年暮燈火青熒入夜深
回首高歌出門去天涯寥落少知音

暮春喜故人至

衰年懷抱向君開
春晚留連把酒杯
窻草霏霏含綠雨
林花片片落蒼苔
田園成趣聊堪適
故舊相逢能幾迴
揮翰題橋空有志
白頭司馬媿無才

又

乾坤漸老百年身
身掃地焚香靜裡春
巢燕向人爭學語
山杯留客細傾銀
迂疏無用真堪笑
離亂相尋轉見親
未卜此生歸定處
青冥何敢更求伸

雨中偶賦

黯淡青林白雨飛
隔花莫恨濕春衣
恩霑草木生魚遂
聲到松篁聽轉微
谷口泉清舒藥甲
巖隈風亂打柴扉
故園有屋多應漏
幾日攤書曬夕暉

燕相府右傅王公為北平憲副劉公畫馬徵余為
詩

驍騰迥踏瘴烟底
萬騎紛披不敢嘶
天繞閭風追日轂
雨收沙苑散霜蹄
金鞍光動青雲表
玉輦馳驅碧海西
白首何堪攀逸駕
幾迴執策聽朝雞

寄思溫尹

雞泉邑裡識君初，回首春風侶夢餘。
惠愛新聞行旅說，才名不媿史臣書。
花明白日青山靜，稼穡黃雲早吏疎。
後夜林扉倍相憶，高情莫忘寄雙魚。

又

展卷虛窓風滿襟，生來轉覺秋蕭森。
鶴翎新沐紫羅雨，雲氣迥隔青松陰。
太邱雅稱湖海士，徐庶忽起庭闈心。
客懷寥落誰與語，解榻遲君來聽琴。

又

山齋留客晚涼初
茗枕吹香清夢餘
雨過雲生松下石
月明風亂枕邊書
一家骨肉今無幾
四海親朋轉見疎
張翰秋來定歸去
江湖隨處是尊魚

又

長松過雨碧蕭森
涼籟吹香滿素襟
泉落空潭秋洒洒
雲生虛室晝陰陰
塵埃書劔千山路
風雨江湖萬里心
客散衡門更清絕
明朝誰聽紫瓊琴

又

至道不返太古初玄聖一去千載餘養生近得南華論
報國耻上東封書四海無家轉悽惻百年處世何迂疎
從茲萬事可撥遣短簑獨釣長江魚

又

虛庭無人坐開襟雲氣滿地何蕭森老夫懷友傳尺素
稚子讀書惜分陰小窓涼月破烟夕遠道秋風傷客心
羨殺適城令尹好安得細聽堂上琴

定興道中

雨外好山青
近人峰迴谷轉兩溪分
聯嵐翠靄浮秋樹
隔塞清笳落莫雲
農事喜聽田父說
漁歌時近水村聞
只宜濁酒林亭下
解帶風前醉夕曛

別山中友

峰迴徑轉雪嶽崙
隱者柴門費獨尋
谷口斷雲遮草屋
樓頭斜照隔楓林
黃金買貴交游絕
白首窮經歲月深
明發分襟兩相憶
那堪寥落動愁心

喜王延齡至自金陵

雪屋燈寒夢見君，詰朝車馬競紛紜。
江湖險阻多親歷，骨肉平安得細聞。
點筆詩篇翻白雪，驚人風彩照青雲。
我衰不入鸚鵡侶，還好常隨鹿豕群。

詠雪效時體

沉沉仙館靜無風，光動霄衢縹緲中。
玄圃暖消瑤草白，綠窓春綉錦機紅。
皇天有道開豐稔，詩趣無邊入混融。
為問兔園張宴處，滿堂豪客賦誰工。

又

長風捲海白漫漫三島樓臺畫裡看
瑤席香銷金鴨冷
銀河水湧玉龍寒
春迴萱草芽初出
臆盡梅華信轉慳
清曉天門占瑞象
日車飛上五雲端

又

隔屋狂飈怒擊撞
一庭皓彩翳寒缸
星妃夜翦銀河水
雲氣朝橫玉女窓
梁苑賦成誰第一
灞橋人去更無雙
到門疑是洛陽令
有客尋詩驚吠厖

又

留客同傾北海樽
疾風吹霰落紛紛
虛軒夜氣浮書潤
迥野春聲隔樹聞
密洒南樓清護月
橫堆西嶺白連雲
呼童閒埽長松徑
幾片飛來亂鶴群

又

瓊葩春遶畫樓飛
盡捲珠簾認翠微
影落玉堂翻硯沼
光搖金殿晃朝衣
長烟壓樹難尋路
遠火燒雲正打圍
明日出門好晴景
冰花滿帽散珠璣

又

雲飛大野曉模糊
水國微茫一鴈呼
風起四簷翻玉樹
天移萬象入水壺
子卿持節終歸漢
裴相乘虛急破吳
五稼從茲兆豐稔
老農爭說往年無

又

曉寒着人肌粟生
空階頃刻一尺平
開門起視天地白
掃榻坐愛琴書清
黃州竹樓驚碎玉
許家仙子誇飛瓊
東隣西舍醉新酒
蹇驢細踏春風行

又

訪戴曾上王猷船持節不齧蘇武羶苦吟傑出柳絮外
清氣迥繞梅花邊芸窗夜白照書卷山肆曉寒增酒錢
安得九夏復如此松下從教驚晝眠

又

海天空濶白成堆塊圪春從地底迴紫禁晴飄龍尾濕
藍關寒撲馬頭來娑娑起舞多妖冶頃刻開花巧剪裁
清氣無邊墮詩境迥排雲氣上瓊臺

題萬花金闕圖

袞冕曾迎鳳駕來
烟沉金闕半蒿萊
霞蒸日氣紅初上
雲壓松陰黑半開
玉井霆轟龍起蟄
虛窓笙響鶴飛迴
前朝事往雲無跡
愁聽江聲入夜哀

贈古淵上人

廿年轉走虎狼叢
名利荒寒到處同
杳杳木杯鯨浪外
飄飄金錫蜃雲中
詩篇想見推敲熟
乘法爭傳大小通
偶此相逢破愁寂
旃檀香裡坐薰風

與戴元禮黃山人期登石徑山謁道陵而山人不至

百年登眺問誰宜
澗轉林迴石磴危
潮落空江秋笛起
雲生虛室夜鍾遲
廟門雨黑愁山鬼
階草霜黃集野麋
天地無情歸浩劫
一樽聊復散襟期

京口夜泊

醉客滿船歌月明
隔江燈影逐人行
帆衝雨脚迴京口
鐘送潮頭打石城
南渡衣冠愁北望
東臯簫鼓報西成

桑田海水依然在，不啻人間有變更。

喜而成詩

此必鶴詩脫題

道林深處竹為垣，愛爾胎禽喜欲言。
月下聽琴留大室，雲邊衝錫入祇園。
放遊芝圃騰清吹，碎踏松陰舞小軒。
華表秋高看遐舉，青天萬里雪飛翻。

送呂秀才入道

賦罷長楊戴鶡冠，笑人慕道不休官。
窓間風雪三餘學，林下烟霞七返丹。
白社年深成雅會，紫垣秋靜禮虛壇。

金少曰五之三
卷二
夜窓欲問長生術月轉虛樓十二闌

杏園

好花紅白出隣牆競賞何妨到夕陽探信屢逢金榜客
看梅稀出碧雞坊朝霞籠日綃衣薄晴雪翻風珠酒香
我憶城東好庭館幾陪詩老醉瓊觴

亂後入城有感

金湯天險盡成隳遺老空傷漢鼎移城柝亂鳴寒雨夕
酒旗斜掛夕陽時田廬荒棄無人住骨肉奔逃到處疑

最是多情雙語燕
向人如訴主人悲

松陵獨眺

誰家隔水敞柴扉
白浪粘天隔翠微
紅葉秋風宮路斷
蒼江暮雨釣船稀
尋幽野客攜壺至
解夏山僧振錫歸
聖澤只今沾漑處
松陵草木駐光輝

登雅宜山

雞犬柴扉竹裏開
仙人別住好樓臺
松聲忽向琴心起
雲氣遙從澗口來
六代衣冠隨水去
百年天地逐輪迴

興亡總付登臨外
爛醉春風卧碧苔

羊祜廟

勲名冠絕復全身
兩晉如公竟幾人
廟枕吳江非故跡
碑橫峴首哭遺民
空壇曉霧沉荒樹
斷壁秋風掃暗塵
老淚向人收不盡
愁邊和雨濕衣巾

琵琶

雨霽銀霄萬頃秋
芳妍爛熳競相酬
雲山有分老復老
勲業到頭休便休
鑿落金杯從浩蕩
琵琶玉手喜纖柔

一年無似今宵好醉倚西風十二樓

和獨卷詩
至此止

移教房山留別雄縣周尹

隔水青山畫舫西亂雲芳草思淒迷江淹賦好傷離別
李白名高入品題花落空階春色澹鶯啼深樹午陰齊
明朝相見歸來鶴飛向秋風覓舊栖

雪和饒倅

散亂飛雲落帽簷稜層磚玉簇峯尖野梅放白寒香凍
村醞傾紅臘味添雲壓蓬婆迷羽騎風迴金爵撲珠簾

出門三尺無人埽好為豐登取闔拈

又

風起六花飛滿簷倚樓延認遠山尖
白生虛室靈襟靜清逼疎梅道氣添
羽駕曉臨瑤島路犀塵寒隔水晶簷
梁園賦好人爭寫健筆凌雲信手拈

周大尹惠香

天香滿袖出蓬萊雲氣溟濛接上台
芝圃秋前新採得玉皇案側遠攜來
九門傳詔啣雞舌百和薰衣笑鹿胎

喜甚蘭交許分贈小軒焚處靜風埃

和前韻

旃檀林迥絕蒿萊瑞靄薰蒸自鼎台旭日蘭芽和露摘
秋風桂子逐雲來丹爐夜久龍噓氣玄圃春深鹿養胎
細埽虛軒藝嘉種斷無俗客踏芳埃

周大尹祭祀還

使旌秋出鳳凰臺吳楚千峰紫翠開水伯驅潮催舵轉
豐霽挾雨逐車迴琴邊白鶴迎仙蓋席上青雲照酒杯

好是紀行詩滿帙驚人麗句壓瓊瑰

和前韻

青雲北起望金臺路入瀛洲島嶼開
曉日歌樓湖上出
秋風征旆鴈前迴
明虹斜照參差雨
遠海平鋪歛
灩杯
好寫江山入吟思
酒邊爛熳埽瓊瑰

雄縣尹周氏詹擒賊

獵火宵明雪半乾
於菟盡縛血爛斑
城門鏡騎衝雲出
塞嶺金笳奏月還
葉縣春迴雙鳥靜
偃堂畫永一琴閒

燕臺獻捷恩光近名重清朝玉筍班

和周尹韻

雨餘秋水遶清軒心跡雙清好莫言松寺尋僧陪鶴侶
茆簷對客數雞孫年光荏苒驚殘夢生事蕭條憶故園
兵後故人知好在那堪白首卧衡門

又

雨送微涼入小軒日高深樹聽禽言松崖花落蜂成窠
芝圃苗肥鶴引孫黃卷暗銷閒歲月青山宜問好田園

疎簷清簾琴觴靜時有高人訪葦門

雪中退朝

雪舞迴廊亂打人朝回馳馬路無塵天粘白海橫飛練
風轉彤墀細疊銀詩氣涵虛清到骨梅魂襲月冷凝神
直須借與調羹手遍灑名藩作好春

謝葉奉祠公羽贈冠

蓆帽征塵拂轉難寄來章甫壓儒酸逢萌忍向清朝掛
貢禹欣逢故友彈青鏡不慙欺白髮丹邱還好覓黃冠

暮年文彩凋零盡誰寫衰容畫裡看

贈雄縣劉尹

老成器業少如公政譽堂堂壓茂恭一片靈臺雙鏡裡
三株仙桂月輪中香疑鴨鼎琴堂雨木落虹橋酒市風
欲寫漢庭循吏傳滿川煙樹晚濛濛

春日

柳外旗亭傍水隈花前留客倒金杯青雲暗抱日華轉
碧草暖隨春色迴遠道自憐衰力盡好懷常向故人開

輕衫短策東風裏
白首蹉跎望隗臺

朱長史致仕還里

委佩聲遙轉禁池
每依朝彩認龍旗
白頭強健追班早
青瑣從容待講遲
天上宸章優老日
中孫子望歸時
多情好是長淮月
時逐心旌照玉墀

和安常寄山中友詩韻

郭西山好住多年採藥林
深踏紫烟黃鳥間
關春雨裏青峰迴
合暮雲邊蝸廬踈漏看
兒茸蠹簡紛紜對客編

兵後故人成遠別那堪回首意蕭然

又

清朝雅望稱高年臺閣文章入渾然青禁從容親講讀
素書珍重問林泉花明別館尋幽到酒熟良朋取次延
寂寞山中舊遊處紉苔蕪沒種芝田

又

白頭覽鏡愧衰年清曉繙經興杳然山疊錦屏橫斗極
岸分珠雨落風泉夢回隔水聞僧磬飯飽耕雲種玉田

多病馬卿空有賦謝官陶令未歸年

朝使至雄縣理賑民事

燕塞秋風幾日留華延文彩射珠球青雲擁路隨金節
白雪翻歌遶畫樓荒政有條先散利富民得策定封侯
祇存一飯忠君意接武夔龍贊帝猷

挽張及民老先生

寂寞城南一畝宮百年遺響寄孤桐巢由杖屨雲山外
陶阮生涯酒榼中祠壁鬼燈然夜雨墓門翁仲嘯秋風

招魂不隔瀘溝水
淚灑霜林萬葉紅

松隱

松林宛在草堂西
隔樹嵐光望欲迷
風磴曉吹蒼雪冷
洞門秋枕碧雲低
蜂房溜窰看兒割
藥裹關心對客題
南望九華懷李白
月明霜白斷猿啼

詠保定尹祈雨

憂心太守祝民禧
紉霧涵香護錦衣
潭底雙龍驅雨出
廟前五馬踏雲歸
銀潢水滿通丹井
石室烟深濕翠微

斜日金臺情景好酒旗風裏麥禽飛

紙

吳繭裁成秋水寒炯然光彩動柴關香分梅蘂飄金潤
色奪梨花襯玉環石几淨堆春雪冷瑯窓輕拂曉雲閑
東林白社多年別好與題詩寄鶴還

高生規當歲貢遇生日

天風環珮響珊珊瑤海秋高王母還好著萊衣娛鶴髮
要將董策覲龍顏霞翻錦幟金鸞殿日射丹墀玉筍班

待得瓦橋春雪霽馬嘶官路彩雲間

和睦公九日韻

國祚綿延類岱嵩奎光炯炯照南宮帝王道統歸精一
臺閣文章入混融射策直須追賈誼草玄何必數揚雄
張儀更是豪談者吐出晴天萬丈虹

和宣文劉仲德詠雪

虛軒看雪曉光微却憶淮西破賊圍春甕旋開千日酒
海塵不染六銖衣天寒紫塞黃雲合風急蒼江白鴈飛

高臥忽聞佳客至衣裳顛倒出荆扉

兒嶺

月落荒村白霧收曉行霜氣襲貂裘
星連紫極龍光動海入青天蜃氣浮
風壤漸通遼霄部雲山直接契丹州
皇皇北鎮神靈在好馭飈車到上頭

沙河

沙河市頭黃葉飛沙河道上行人稀
天陰古塚狐狸出雪滿霜田鴈鷺肥
百錢魯酒足供醉十歲奚兒能打圍

別家三月不得信關塞蕭條何日歸

送張都事赴浙省

朔方豪傑氣如虹往佐名藩好立功
泰岳陰風吹雨黑淮營夜火照雲紅
江南親舊多年別海上音書幾日通
投筆封侯亦奇事草玄應是笑揚雄

山北僉憲黑思仲義以宗正郎中召還予時在
會州以詩送之甲辰歲暮云

千里關河積雪深星軺西發馬駸駸
黑山霧雨連窮海

紮塞風雲接上林到闕應持御史節上堂先慰老親心
邊城日晚多豺虎送別那堪淚滿襟

登隗臺用希顏韻

好風吹袂上金臺旋脫貂裘換酒來春日郊扉光黯澹
夕陽樵路水縈迴都人猶記燕昭事朝士爭誇郭隗才
千古興衰總陳跡斷碑剝落卧蒼苔

送翼主歸相州

千營兵氣黑沉沉關塞蕭條草木深蛇伏黃蒿噓毒霧

鬼吹青火出空林
兒童老大不相識
墟墓荒寒只自尋
親在遠遊煩愛惜
書來應抵萬南金

雨

熟睡昏昏白晝長
翻盆急雨洗炎光
天連遠塞霓旌濕
風渡虛樓燕幙涼
竹裏疎花紅灼灼
窓前流水碧浪浪
山中米麥多應好
抱膝長歌喜欲狂

別易水諸公

一家遠隔萬重山
古道人稀獨自還
夜月屢傾燕市酒

春風不度鴈門關
晴天雨散千峰外
野屋雲生半席間
兄弟何時重會面
燈前相對話時難

憶王氏兄弟

大野荒寒起夕陰
殘蟬幽咽亂清砧
虛庭宿露蒼苔滑
遠道秋風黃葉深
烽火未收三月信
田園空負百年心
多情好是西城月
時向愁邊照苦吟

憶安常

鐘殘水國夜初分
雪屋燈前夢見君
阮籍途窮隨處哭

杜陵詩好幾回聞
青山故國迷煙月
白首間情寄水雲
苦恨東風不相識
吹人愁思轉紛紛

送燕倅

祖席衣冠盡士林
秋風古驛馬駸駸
考功不愧循良傳
遮道還憐父老心
日轂影高三殿曉
霓旌光動五雲深
歸時正及梅花放
一路吹香雪滿襟

挽許璘

碧海珠沉失夜明
青雲器業竟無成
空歌周頌有高廩

不見宣尼畏後生
古墓雲低飄隴樹
白楊風急捲銘旌
傷心忍過西城路
易水東流送哭聲

題呂仙翁廟

策名文彩動蟾宮
飛上丹梯笑葛洪
劍影冷涵雲氣濕
笛聲清繞月輪空
黑翻詩壁研磨外
神現松精候謁中
幾擬細詢仙歲月
芙蓉溪上又秋風

題金山寺廢陸先生韻

天連泗水水連天
烟鎖孤村村鎖烟
寺遠薜蘿蘿遶寺

川通巫峽峽通川酒迷醉客客迷酒舡送行人人送舡
此會應難難會此傳今勝古古今傳

往郎山

郎山宛在瓦橋西煙樹蒼茫望欲迷把酒花飛愁處滿
送行詩好別時題泠泠古調南薰細奕奕高名北斗齊
此去心旌好相照素書幾日寄幽栖

春日雜興和前韻

隔溪茅屋曙光分簌簌紅桃映此君烟圃藥苗晴後種

風窻香靄靜中聞
秦人無復歌黃鳥
華岳猶堪臥白雲
怪殺楊花輕薄甚
滿衣吹作雪紛紛

又

水村幾曲路斜分
烟寺西邊訪隱君
白晝暄風吹酒醒
青林啼鳥隔溪聞
一竿好釣磯頭雨
雙犉誰耕洞口雲
碧柳紅桃滿春色
那堪歸思轉紛紛

送知縣

縣齋寂寂遠塵氛
草滿園扉翠欲熏
日轉棠陰侵席過

風迴琴響隔花聞水分九派通蒼海地擁三關壓紫雲
河朔近來為令者路人爭道不知君

又

長亭雲樹擁征鞍意欲留君計轉難竹騎豈惟迎郭伋
蒲鞭直欲繼劉寬班聯曉陸承殊寵績考春曹陟最官
此別信知應未遠楊花香襯馬蹄還

東林圖

匡廬遺想定如何文物風流也自多月滿空山號虎豹

日穿林樾漲藤蘿青蓮結社朝乘犢白水漁竿晚浴鷺
多半蟠根是仙李向陽枝葉更婆娑

五言長律

燈夕

燈簇上元夕花明仙苑春星球懸碧洛雲幄護朱闈歲
律時當午斗杓昏建寅六龍御丹極萬象入洪鈞淑氣
東浮野群星北拱辰樓頭霞散綺牆角雪銷銀已弛金
吾禁應無丞相嗔鰲山攢火樹獸錦疊文茵玉漏傳疎

點香飈逐暗塵篆煙吹繡幙簷霧濕紗巾紫陌雞鳴緩
紅橋馬過頻珠圍貂帽窄梅放粉容新詩就題千帙筵
開直萬緡酒光搖瀲灩舞影起紛綸序齒先耆艾忘形
畧主賓聯翩仙子佩窈窕女兒身疊唱凌天籟爭歸步
月輪閭閻喧小子簫鼓沸蒼旻童稚扶翁媪優伶學搢
紳青雲文雅士白髮太平民世喜消鋒燹巫羞祀鬼神
歡呼占歲稔傾倒見天真留滯無羈旅歌斜有醉人宴
游逢霽景款曲會良姻是物恩波洽諸方化雨均腐儒

猶放浪令尹獨清貧屢辱情過厚從知道欲伸得人類
言偃愛客即陳遵聞望騰中外公忠出等倫威儀嚴可
畏襟度濶無垠公署鈔琴譜鬻堂禮席玆河頭虎爭渡
桑下雉相馴五袴歌方振三農業已勤官清文字簡鄉
飲德風淳我已成迂朽行將賦隱淪弟兄皆鬼物田疇
半荆榛周急煩賢友持家養老親竒才推葛亮曲學陋
平津松徑荒烟裡茅堂野水濱讀書逾嬾慢撫事幾悲
辛碧蘚侵碁局紅蕖沒釣綸髮蓬苦捫蝨衣破嘆懸鶉

出處慚先哲間關類逐臣多情依木石無分畫麒麟
城市聊從俗山林擬卜鄰業唯歸竹素書莫上楓宸性入
禪家學歌隨樵客斤生涯甘寂寞宰物實陶甄高尚尊
嚴子賢良笑郝詵天涯正愁絕回首遇雷陳

盧龍二首

迢遞盧龍塞蒼茫灤水波青林雲氣重白磴雨聲多四
皓終歸隱三良謾有歌秋風關海上回首淚滂沱

疋馬空山路孤烟老樹村松陰連草屋澗水繞柴門秋

晚蜂成窠年深鶴有孫行藏吾道在白首信乾坤

七言長律

擬上太傅丞相

燕在蟠空積雪晴煌煌虎旅控幽并太公制敵分竒正
方叔行兵屬老成霜壓貂裘寒氣重星涵龍劍夜光明
日華冷射魚鱗甲霞彩朝迎烏羽旌宇內勲庸扶帝業
帳前金鼓震天聲三槐曉雨青浮砌萬柳春風綠滿營
獵火燒雲煙四合轅門傳令月三更屯田有策年方稔

刁斗無聲夜不驚，仗繞中堅，排隊出弩，驅前馬着班行。
家藏書史，傳賢子國，有旂常播令名。炳烈精忠，通紱極
涵濡，德澤到蒼生。兩封穹爵，承殊渥，百戰河山，定太平。
門下衣冠，多俊拔，胸中湖海，愈泓澄。腐儒漂泊，身如寄，
破屋荒寒，病轉嬰七袞。慈親傷老朽，一絲微命，轉伶俜。
田園蕪沒，憂生養骨肉，分離憶弟兄。水滴釣灘，間桂楫，
烟迷鄉樹，隔荊相君。下顧千金，價士類同，傾萬古情。
生意從茲，在部屋，謫材何用，請長纓。

和睦公九日韻

絳車曉發萬人看，春入燕臺雪半乾。
聖代人材徵梓杞，憲庭風彩接鸞蟾。
宮露冷三花濕，象簡霜飛六月寒。
北闕焜煌承帝綵，東林蕭瑟閉詩壇。
繡衣勸講臨芹沼，部屋懷賢賦考槃。
定有奇勲登汗竹，豈無宏策上金鑾。
天邊熱氣涵龍劍，江上青山近馬鞍。
玉笋班聯三殿外，瓊林光動五雲端。
煌煌嘉瑞鍾神秀，晶晶滄溟得水難。
朝著人爭傳姓字，慈闈書喜報平安。
永懷黃閣千金重。

自保臣心一寸丹走也向來成老朽短簷烟雨夢漁竿

五言絕句

立春日試筆

霞塢光相炫水池凍半開影隨瑤色起香逐綵旗來

壯士

走馬過營門金甲吐光焰笑我讀兵書何如去學劍

燈花詞

彩發虛明間性涵膏火裏彪外而彌中花豈知報喜

賣花

風送賣花聲花香撲珠酒買盡擔頭春半是青樓婦

山中見王旼

笛弄林間月簾披隴上雲朱門半消歇人笑不如君

聞鴈

流響迷湘浦餘哀隔隴雲角殘燈外聽鐘定枕邊聞

東波洗硯池

毫分赤壁雨墨染蜀山雲旗照龍蛇影波涵星斗文

贈隱者

聽鐘尋野寺，隔樹扣雲關。
鶴臥琴窓靜，樵歸碁局閑。

六言絕句

菊蹊

荒徑雨苔未掃，疎籬霜蕊先開。
綠酒從人放飲，白衣爲我攜來。

山行

村村寺寺竹好，水水山山路遙。
林鳥催人喚酒，野色隨

車過橋

題逸士圖

秋思枕邊疎雨年光葉上驚
颺從渠得馬失馬笑我操
瓢棄瓢

春日即事

蝶弄花心初日鶯啼門口殘
春半嶺半岩古寺一觴一
詠高人

題畫

虹彩明涵疎雨蟬聲暝咽殘陽入境不殊仙境醉鄉真是吾鄉

七言絕句

初二晚涼登東樓

瑟瑟青楓水郭秋買雞攜酒上東樓一瓢欲贈山中客
擲上青溪傲許由

經夢筆橋

風起湘波斷綠津長歌別恨寫悲辛揮毫幾擬題橋過

翻愧當時賣賊人

越王臺

越王臺前江水深
越王臺畔草森森
五湖明月青天上
照見鴟夷萬古心

又

陸主賦冠六朝文
擲地金聲一座聞
莫聽吳歌過江去
洲前花月夜紛紛

客中喜金震見訪

翻翻霜葉飛還墜
寂寂風扉掩忽開
莫向尊前問僧臘
海門秋色逐潮來

贈彈箏人

秋恨斜飛啼恨深
示將燕調雜吳音
人人竟聽拋紅錦
悔殺當時苦學琴

題垂虹亭壁

金樽綠酒蕩晴空
花壓雙鬟舞袖紅
莫唱何戡渭城曲
銀箏鳴咽怨秋風

送白楊長老

卷二

龍天擁護大江西
江上分襟綠草齊
一路藤蘿秋色裏
山山樹樹白猿啼

又

鶴隨金錫忽飛還
踏徧吳雲越樹間
一髮遠峰斜日外
認來多是九華山

立秋夜聽秋聲

漠漠微雲生曉陰
滿庭虛籟薄霜林
有聲元在無聲裡

聽到無聲思轉深

春申君

歇也恇淫忍復論
指胎畫策市君恩
區區篡立成何事
翻與皇家闢禍門

隗臺

野老留人不肯住
半醉扶筇入山去
天風吹上黃金臺
放筆縱橫寫長句

山行

山壓金臺萬萬重尋幽盡日少人逢况聞水北田廬好
白首躬耕學臥龍

沙崗曉發

白波滉蕩搖青天隔江打鼓是官舡天涯漸與故人遠
客懷寥落秋風前

對月同文禎宗兄賦


窓裏娟娟納月光床頭顧影轉淒涼束書幾日還山去
露坐彈琴秋樹傍

送知縣

朝廷考績推循吏
暮夜辭金謝故人
願借冠恂憐父老
早歸重看瓦橋春

挽將濟川夢妻

土蝕瑤釵催白鴈
霜沉錦瑟斷朱弦
靈幃燈暗陰風起
忍見孤兒掛紙錢



一山文集卷二